



**Amodau
Cydnabod
Safonol
Ychwanegol
ar gyfer
cymwysterau
TGAU / TAG**



GORFFENNAF 2019

Cynnwys

Rhagarweiniad	3
Adran 1 - Amodau Safonol Ychwanegol A-P - Adolygiadau, Cymedroli ac Apeliadau	4
Amod Safonol Ychwanegol A - Trefniadau marcio	4
Amod Safonol Ychwanegol B – Trefniadau cymedroli	4
Amod Safonol Ychwanegol C - Adolygu gwaith marcio ar gyfer asesiadau wedi'u marcio gan Ganolfannau	5
Amod Safonol Ychwanegol D – Hysbysu am ganlyniad gwaith Cymedroli	7
Amod Safonol Ychwanegol E - Adolygu gwaith Cymedroli	7
Amod Safonol Ychwanegol F – Sicrhau bod Deunyddiau Asesu wedi'u Marcio ar gael i Ddysgwyr.....	10
Amod Safonol Ychwanegol G - Adolygiad o Wallau Gweinyddol	12
Amod Safonol Ychwanegol H - Adolygu gwaith marcio ar gyfer Deunydd Asesu wedi'i Farcio	13
Amod Safonol Ychwanegol I - Y broses apeliadau ar gyfer cymwysterau TGAU / TAG	16
Amod Safonol Ychwanegol J – Penderfyniadau gan Ganolfannau ynghylch Trefniadau Adolygu ac Apeliadau.....	19
Amod Safonol Ychwanegol K – Perfformiad targed mewn perthynas â Threfniadau Adolygu ac Apeliadau	20
Amod Safonol Ychwanegol L – Trefniadau Adolygu ac Apeliadau a thystysgrifau .	21
Amod Safonol Ychwanegol M – Darganfod methiant mewn prosesau asesu	21
Amod Safonol Ychwanegol N – Cyhoeddi Trefniadau Adolygu ac Apeliadau	22
Amod Safonol Ychwanegol O – Dehongli a Diffiniadau.....	22
Adran 2 - Amod Safonol Ychwanegol Q - Pennu ffiniau graddau TGAU, UG a Safon Uwch	25
ATODIAD 1.....	26
Adolygiadau o waith marcio, gwaith cymedroli ac apeliadau: gofynion ar gyfer dyddiadau allweddol	26

Rhagarweiniad

Ar 12 Gorffennaf 2019, cyhoeddodd Cymwysterau Cymru fersiwn 3 o'i Amodau Cydnabod Safonol Ychwanegol ar gyfer cymwysterau TGAU / TAG.

Adran 1 - Amodau Safonol Ychwanegol A-P - Adolygiadau, Cymedroli ac Apeliadau

Mae'r adran hon yn nodi Amodau Cydnabod Safonol Ychwanegol ar gyfer adolygu'r broses o farcio / cymedroli cymwysterau TGAU a TAG¹ ac apeliadau ynghylch y cymwysterau hynny.

Adran 2 - Amod Safonol Ychwanegol Q - Ffiniau Gradd

Mae'r adran hon yn nodi Amod Cydnabod Safonol Ychwanegol ar y gweithdrefnau a ddefnyddir gan gyrrff dyfarnu i bennu ffiniau gradd.

Daeth rhain i rym ar 20 Gorffennaf 2016.

Datblygwyd gofynion technegol ar gyfer pennu lefelau cyrhaeddiad ar gyfer y cymwysterau canlynol:

TGAU etifeddol A* i G
TAG etifeddol
TGAU ddiwygiedig A* i G
TAG ddiwygiedig

Cafodd y rhain eu cyhoeddi mewn dogfen reoleiddio ar wahân: [Gofynion ar gyfer pennu lefelau penodol o gyrhaeddiad ar gyfer cymwysterau TGAU a TAG](#)

¹ Defnyddir y term TAG (Tystysgrif Addysg Gyffredinol) drwy gydol y ddogfen hon i olygu cymwysterau UG a Safon Uwch.

Adran 1 - Amodau Safonol Ychwanegol A-P - Adolygiadau, Cymedroli ac Apeliadau

Amod Safonol Ychwanegol A - Trefniadau marcio

- ASC.A1 Mewn perthynas â phob cymhwyster TGAU / TAG a gynigir ganddo, rhaid i gorff dyfarnu sicrhau bod y trefniadau sydd ar waith yn unol ag Amod Safonol H1.1, o ran asesiad heblaw asesiad a gaiff ei farcio gan Ganolfan, yn darparu ar gyfer y canlynol –
- (a) y caiff yr holl waith marcio ei wneud gan Aseswyr sy'n meddu ar gymhwysedd priodol ac nad oes ganddynt unrhyw fuddiant personol yng nghanlyniad y gwaith marcio,
 - (b) cyn ymgymryd ag unrhyw waith marcio, rhoddir hyfforddiant i bob Aseswr,
 - (c) y bydd y corff dyfarnu yn monitro p'un a yw Aseswyr yn deall ac yn cymhwyso'r meini prawf a ddefnyddir i wahaniaethu perfformiad y Dysgwyr yn eu herbyn yn gywir ac yn gyson,
 - (d) lle bo'r corff dyfarnu yn dod i wybod, drwy ei waith monitro neu fel arall, bod Aseswr yn methu â chymhwyso'r rheini'n gywir neu'n gyson, y bydd yn cymryd pob cam rhesymol i wneud y canlynol -
 - i. cywiro effaith y methiant, neu lle na ellir ei chywiro, ei lliniaru cymaint â phosibl, a
 - ii. sicrhau na fydd y methiant yn digwydd eto.

ASC.A2 Lle caiff asesiad ei farcio gan Ganolfan, mae'n rhaid i gorff dyfarnu sicrhau bod y trefniadau hynny yn sicrhau bod hyfforddiant ar gael i'r Ganolfan honno cyn dechrau'r gwaith marcio.

ASC.A3 Mewn perthynas â phob cymhwyster TGAU / TAG a gynigir ganddo, rhaid i gorff dyfarnu sicrhau bod y gwaith monitro a wneir yn unol ag Amod Safonol C1.1(b) yn cynnwys monitro p'un a yw Aseswyr yn marcio mewn ffordd sy'n cydymffurfio ag Amodau Cydnabod y corff dyfarnu.

Amod Safonol Ychwanegol B – Trefniadau Cymedroli

ASC.B1 Mewn perthynas â phob cymhwyster TGAU / TAG sy'n cynnwys trefniadau Cymedroli a gynigir ganddo, rhaid i gorff dyfarnu sicrhau bod y trefniadau sydd ar waith yn unol ag Amod Safonol H2.1 yn darparu ar gyfer y canlynol -

(a) y caiff yr holl waith Cymedroli ei wneud gan bersonau sy'n meddu ar gymhwysedd priodol ac nad oes ganddynt unrhyw fuddiant personol yng nghanlyniad y gwaith Cymedroli,

(b) na ddylai person a gymerodd ran yn y broses o farcio asesiad gan Ganolfan yn flaenorol fod yn rhan o'r broses Gymedroli mewn perthynas â'r gwaith marcio hwnnw,

(c) cyn ymgymryd ag unrhyw waith Cymedroli, y rhoddir hyfforddiant i bob person sy'n gyfrifol am ymgymryd â gwaith Cymedroli o'r fath,

(d) cyn ymgymryd ag unrhyw waith Cymedroli, y rhoddir copi o'r canlynol i'r personau sy'n gyfrifol am ymgymryd â gwaith Cymedroli o'r fath –

- i. unrhyw dystiolaeth a gynhyrchwyd gan y Dysgwyr y mae angen ei hystyried at ddiben Cymedroli neu, lle na ddelir tystiolaeth o'r fath neu na ellir gwneud copi ohoni yn hawdd, cynrychioliad o'r dystiolaeth ar ffurf arall,
- ii. y cofnod o'r marciau a ddyfarnwyd gan yr Aseswyr adeg marcio'r dystiolaeth honno,
- iii. unrhyw sylwadau a gofnododd yr Aseswyr wrth farcio'r dystiolaeth honno,
- iv. y meini prawf a ddefnyddir i wahaniaethu perfformiad y Dysgwyr yn eu herbyn,

(e) y bydd y corff dyfarnu yn monitro p'un a yw'r bobl sy'n cwblhau'r gwaith Cymedroli yn –

- (i) gwneud hynny mewn modd sy'n cydymffurfio ag Amod Safonol H2,
- (ii) gwneud penderfyniadau sy'n gyson dros amser ac yn gyson â phenderfyniadau a wnaed gan ei gilydd,

(f) lle bo'r corff dyfarnu yn dod i wybod, drwy ei waith monitro neu fel arall, nad ymgymeryd â'r broses Gymedroli mewn ffordd sy'n cydymffurfio ag Amod Safonol H2, neu ei bod wedi'i chynnal mewn ffordd anghyson, y bydd yn cymryd pob cam rhesymol i wneud y canlynol -

- i. cywiro effaith y methiant, neu lle na ellir ei chywiro, ei lliniaru cymaint â phosibl, a
- ii. sicrhau na fydd y methiant yn digwydd eto.

ASC.B2

Mewn perthynas â phob cymhwyster TGAU / TAG sy'n cynnwys trefniadau Cymedroli a gynigir ganddo, rhaid i gorff dyfarnu sicrhau bod y gwaith monitro a wneir yn unol ag Amod Safonol C1.1(b) yn cynnwys monitro p'un a yw personau sy'n ymgymryd â gwaith Cymedroli yn gwneud hynny mewn ffordd sy'n cydymffurfio ag Amodau Cydnabod y corff dyfarnu.

Amod Safonol Ychwanegol C - Adolygu gwaith marcio ar gyfer asesiadau wedi'u marcio gan Ganolfannau

ASC.C1

Mewn perthynas â phob cymhwyster TGAU / TAG a gynigir ganddo, neu y mae'n bwriadu ei gynig, lle y caiff asesiad ei farcio gan Ganolfan, rhaid i gorff dyfarnu wneud y canlynol -

(a) sicrhau bod y cytundeb y mae'n ofynnol ei roi ar waith rhyngddo â'r Ganolfan yn unol ag Amod Safonol C2.2 yn cynnwys y darpariaethau sy'n ofynnol gan yr Amod hwn,

(b) cymryd pob cam rhesymol i sicrhau bod y Ganolfan yn cydymffurfio â'r darpariaethau hynny.

ASC.C2

At ddibenion yr Amod hwn, rhaid i'r cytundeb gynnwys darpariaethau sy'n ei gwneud yn ofynnol i'r Ganolfan wneud y canlynol -

(a) sefydlu, cynnal a chydymffurfio â threfniadau i unrhyw Ddysgwr wneud cais am adolygiad o'r ffordd y mae'r Ganolfan wedi marcio'r asesiad gan y Dysgwr ac i adolygiad o'r fath gael ei gynnal,

(b) cyflwyno canlyniadau pob asesiad a gyflawnir gan y Dysgwr hwnnw a farciwyd gan y Ganolfan i bob Dysgwr, er mwyn rhoi digon o amser i'r Dysgwr ystyried p'un a yw am wneud cais am adolygiad o waith marcio'r Ganolfan mewn perthynas â'r Asesiad hwnnw,

(c) hysbysu'r Dysgwyr y gallant wneud cais am gopïau o ddeunyddiau i'w helpu i ystyried p'un a ddylid gwneud cais am adolygiad o waith marcio'r Ganolfan mewn perthynas â'r asesiad,

(d) pan fydd Dysgwr yn gwneud cais o'r fath, sicrhau bod copïau o unrhyw ddeunyddiau y gall fod eu hangen yn rhesymol ar Ddysgwr ar gael yn brydlon iddo, er mwyn ystyried p'un a ddylid gwneud cais am adolygiad o waith marcio'r Ganolfan mewn perthynas â'r asesiad,

(e) sicrhau bod y trefniadau sydd ar waith ar gyfer adolygu gwaith marcio'r Ganolfan yn nodi y caiff pob adolygiad o'r fath ei gynnal gan Aseswyr sy'n meddu ar y cymhwysedd priodol ac nad oes ganddynt unrhyw fuddiant personol yng nghanlyniad yr adolygiad a gynhelir,

(f) sicrhau na fydd Aseswr a gymerodd ran yn y broses o farcio asesiad gan Ganolfan yn flaenrol mewn perthynas â Dysgwr yn rhan o adolygiad o'r gwaith marcio mewn perthynas â'r asesiad hwnnw,

(g) sicrhau bod y trefniadau sydd ar waith ar gyfer adolygu gwaith marcio'r Ganolfan mewn perthynas ag asesiad, yn ei gwneud yn ofynnol i'r Aseswr sy'n cynnal yr adolygiad ystyried gwaith marcio'r Ganolfan mewn perthynas â'r asesiad hwnnw, ynghyd â'i gwaith marcio mewn perthynas â'r un asesiad a gyflawnir gan Ddysgwyr eraill yn yr un asesiad ac i hysbysu'r Ganolfan naill ai –

- i) lle nad yw'r gwaith marcio mewn perthynas â'r asesiad dan sylw yn gyson â gwaith marcio'r Ganolfan mewn perthynas â'r asesiadau eraill hynny, neu
- ii) lle mae ei waith marcio yn anghyson ar draws pob asesiad a ystyrir.

(h) lle yr hysbyswyd ynghylch anghysondeb o dan Amod ASC.C2(g) –

- i) cywiro effaith yr anghysondeb hwnnw lle y mae'n cytuno ei fod yn bodoli, neu
- ii) lle nad yw'n cytuno bod anghysondeb yn bodoli ar yr un adeg ag y mae'n cyflwyno'r marciau ar gyfer yr asesiad i'r corff dyfarnu i'w Cymedroli, hysbysu'r corff dyfarnu ynghylch canfyddiad yr Aseswr a'r rhesymau pam nad yw'r Ganolfan yn cytuno â hynny,

(i) sicrhau bod y trefniadau sydd ar waith ar gyfer adolygu gwaith marcio'r Ganolfan mewn perthynas ag asesiad yn ei gwneud yn ofynnol i'r Dysgwr gael ei hysbysu'n ddi-oed o ganlyniad yr adolygiad, y rhesymau am y canlyniad a bennwyd ac unrhyw newid o ran marciau,

(j) sicrhau bod trefniadau sydd ar waith i'r Dysgwr wneud cais am adolygiad o waith marcio'r Ganolfan mewn perthynas ag asesiad yn ei gwneud yn ofynnol i unrhyw adolygiad o'r fath gael ei gwblhau er mwyn bodloni gofynion y corff dyfarnu mewn perthynas ag erbyn pryd y mae'n rhaid darparu marciau ar gyfer yr asesiad a deunyddiau mewn perthynas â'r asesiad iddo er mwyn ei alluogi i ymgymryd â'r gwaith Cymedroli,

(k) hysbysu'r Dysgwyr a'r corff dyfarnu sut y gallant gael gafael ar ddatganiad o'r trefniadau sydd ar waith i'r Dysgwr wneud cais am adolygiad o waith marcio'r Ganolfan a darparu datganiad o'r fath yn ddi-oed pan ofynnir amdano.

ASC.C3 Mewn perthynas â phob cymhwyster TGAU / TAG a gynigir ganddo, neu y mae'n bwriadu ei gynnal, lle y caiff asesiad ei farcio gan Ganolfan, rhaid i gorff dyfarnu hysbysu Canolfannau (yn ddigon pell ymlaen llaw i fodloni eu gofynion cynllunio rhesymol) am ei ofynion mewn perthynas ag erbyn pryd y mae'n rhaid darparu marciau ar gyfer yr asesiad a deunyddiau mewn perthynas â'r asesiad iddo er mwyn ei alluogi i ymgymryd â'r gwaith Cymedroli.

Amod Safonol Ychwanegol D – Hysbysu am ganlyniad gwaith Cymedroli

ASC.D1 Mewn perthynas â phob cymhwyster TGAU / TAG a gynigir ganddo, lle y caiff asesiad ei farcio gan Ganolfan, rhaid i gorff dyfarnu hysbysu'r Ganolfan o ganlyniad y gwaith Cymedroli er mwyn rhoi digon o amser i'r Ganolfan ystyried p'un a ddylid gwneud cais i adolygu'r gwaith Cymedroli, gan ystyried unrhyw derfyn amser ar gyfer cyflwyno cais o'r fath i'r corff dyfarnu.

ASC.D2 Rhaid i'r hysbysiad a ddarperir gan gorff dyfarnu at ddibenion ASC.D1 nodi'r rhesymau am ganlyniad y gwaith Cymedroli.

Amod Safonol Ychwanegol E - Adolygu gwaith Cymedroli

ASC.E1 Mewn perthynas â phob cymhwyster TGAU / TAG a gynigir ganddo, mae'n rhaid i gorff dyfarnu sefydlu, cynnal a chydymffurfio â threfniadau i ymgymryd â gwaith adolygu, ar gais Canolfan, mewn perthynas ag unrhyw waith Cymedroli gan fwrdd dyfarnu gwaith marcio'r Ganolfan honno mewn perthynas ag asesiad.

- ASC.E2 Gall y trefniadau -
- (a) darparu mai dim ond ar ôl talu ffi y bydd y corff dyfarnu yn cynnal adolygiad o'r gwaith Cymedroli,
 - (b) nodi gofynion rhesymol eraill ar gyfer gwneud cais i adolygu gwaith Cymedroli,
 - (c) nodi terfyn amser ar gyfer gwneud cais am adolygiad o waith Cymedroli.
- ASC.E3 Lle bo'r trefniadau yn nodi terfyn amser ar gyfer gwneud cais am adolygiad o waith Cymedroli, rhaid i'r dyddiad -
- (a) bod yn rhesymol, gan ystyried y canlynol –
 - (i) y terfyn amser ar gyfer hysbysu Canolfan am ganlyniad gwaith Cymedroli yn unol â threfniadau'r corff dyfarnu,
 - (ii) diben y cymhwyster TGAU / TAG,
 - (b) cydymffurfio â'r gofynion a nodir yn Atodiad 1 yr Amodau hyn.
- ASC.E4 Rhaid i'r trefniadau ddarparu ar gyfer y canlynol, ar ôl cynnal adolygiad o'r gwaith Cymedroli -
- (a) lle bo'r corff dyfarnu yn penderfynu nad oedd y gwaith Cymedroli yn cynnwys Gwall Cymedroli, na fydd yn newid canlyniad y gwaith Cymedroli,
 - (b) lle bo'r corff dyfarnu yn penderfynu bod y gwaith Cymedroli yn cynnwys Gwall Cymedroli, bydd ond yn newid canlyniad y gwaith Cymedroli i'r graddau sy'n angenrheidiol er mwyn cywiro'r effaith honno,
 - (c) y bydd y corff dyfarnu yn dogfennu'r rhesymau am unrhyw benderfyniad ac am unrhyw newid i ganlyniad y gwaith Cymedroli.
- ASC.E5 Rhaid i'r trefniadau ddarparu ar gyfer y canlynol -
- (a) y caiff yr holl adolygiadau o waith Cymedroli eu cynnal gan personau sy'n meddu ar gymhwysedd priodol ac nad oes ganddynt unrhyw fuddiant personol yng nghanlyniad yr adolygiad a gynhelir,
 - (b) na ddylai person a gymerodd ran yn y broses o farcio asesiad gan Ganolfan neu mewn gwaith Cymedroli mewn perthynas â'r gwaith marcio hwnnw yn flaenorol fod yn rhan o'r broses Gymedroli mewn perthynas â'r gwaith marcio hwnnw,
 - (c) cyn cynnal unrhyw adolygiad o waith Cymedroli, y rhoddir hyfforddiant i bob person sy'n gyfrifol am gynnal adolygiad o'r fath o ran sut i wneud hynny yn unol â'r Amod hwn,
 - (d) cyn cynnal adolygiad o waith Cymedroli, y rhoddir copi o'r canlynol i'r personau sy'n gyfrifol am gynnal adolygiad o'r fath –

- i. copi o unrhyw dystiolaeth a gynhyrchwyd gan Ddysgwyr (neu unrhyw gynrychioliad o dystiolaeth o'r fath) a ystyriwyd at ddiben y gwaith Cymedroli,
- ii. copi o'r cofnod o'r marciau a ddyfarnwyd gan yr Aseswyr adeg marcio'r dystiolaeth honno,
- iii. copi o unrhyw sylwadau a gofnododd yr Aseswyr wrth farcio'r dystiolaeth honno,
- iv. copi o'r meini prawf a ddefnyddir i wahaniaethu perfformiad y Dysgwyr yn eu herbyn,
- v. canlyniad y gwaith Cymedroli, gan gynnwys unrhyw newidiadau a wnaed i waith marcio'r Ganolfan, a'r rhesymau dros y canlyniad hwnnw,

(e) y bydd y corff dyfarnu yn monitro p'un a yw'r personau sy'n cwblhau adolygiadau o waith Cymedroli –

- (i) yn gwneud hynny yn unol â'r Amod hwn,
- (ii) yn gwneud penderfyniadau sy'n gyson dros amser ac yn gyson â phenderfyniadau a wnaed gan ei gilydd,

(f) lle bo'r corff dyfarnu yn dod i wybod, drwy ei waith monitro neu fel arall, na chynhaliwyd adolygiad o'r gwaith Cymedroli yn unol â'r Amod hwn, neu wedi'i gynnal mewn ffordd anghyson, y bydd yn cymryd pob cam rhesymol i wneud y canlynol –

- i. cywiro effaith y methiant, neu lle na ellir ei chywiro, ei lliniaru cymaint â phosibl,
- ii. sicrhau na fydd y methiant yn digwydd eto,

(g) y bydd y corff dyfarnu yn hysbysu'r Ganolfan am ganlyniad yr adolygiad o'r gwaith Cymedroli a, naill ai ar y cyd â'r canlyniad hwnnw neu'n ddiweddarach, y rhesymau a ddogfennwyd pan gynhaliwyd yr adolygiad o'r gwaith Cymedroli,

(h) wrth gynnal adolygiad o waith Cymedroli, pan fydd y corff dyfarnu yn darganfod Gwall Marcio, yn ei farn ef, wrth farcio asesiad, y bydd yn cynnwys manylion y Gwall Marcio yn ei adroddiad i'r Ganolfan ar ganlyniad yr adolygiad o'r gwaith Cymedroli.

ASC.E6

Ar ôl hysbysiad y corff dyfarnu o ganlyniad yr adolygiad o'r gwaith Cymedroli, rhaid i'r trefniadau ddarparu ar gyfer y canlynol -

(a) y caiff marciau a (lle y bo'n briodol) ganlyniadau eu diweddarau'n ddi-oed er mwyn ystyried unrhyw newid yng nghanlyniad y gwaith Cymedroli,

(b) y caiff marciau a (lle y bo'n briodol) ganlyniadau eu diweddarau'n ddi-oed er

mwyn cywiro effaith unrhyw Wall Marcio y rhoddwyd gwybod i'r Ganolfan amdano yn unol â'r Amod hwn,

(c) y cymerir camau rhesymol i nodi unrhyw asesiad arall, y bu gwall tebyg mewn perthynas ag ef a diweddarau'r marciau a (lle y bo'n briodol) ganlyniadau yn ddi-oed er mwyn cywiro effaith unrhyw wall a nodir .

Cymhwyso

ASC.E7

Tan y cyfryw ddyddiad a nodir mewn unrhyw hysbysiad ysgrifenedig neu a bennir yn unol ag unrhyw hysbysiad ysgrifenedig a gyhoeddir gan Cymwysterau Cymru o dan y paragraff hwn, caiff ASC.E6 ei ddisodli gan

'Ar ôl hysbysiad y corff dyfarnu o ganlyniad yr adolygiad o'r gwaith Cymedroli, rhaid i'r trefniadau ddarparu ar gyfer y canlynol –

(a) y caiff marciau a (lle y bo'n briodol) ganlyniadau eu diweddarau'n ddi-oed er mwyn ystyried unrhyw newid yng nghanlyniad y gwaith Cymedroli,

(b) y caiff marciau a (lle y bo'n briodol) ganlyniadau eu diweddarau'n ddi-oed er mwyn cywiro effaith unrhyw Wall Marcio y rhoddwyd gwybod i'r Ganolfan amdano yn unol â'r Amod hwn,

(c) y cymerir camau rhesymol i nodi unrhyw asesiad arall, y bu gwall tebyg mewn perthynas ag ef ac i ddiweddarau'r marciau a (lle y bo'n briodol) ganlyniadau yn ddi-oed er mwyn cywiro effaith unrhyw wall a nodir, ar yr Amod na chaiff canlyniad Dysgwr ei ddiweddarau fel bod y canlyniad hwnnw yn is.

ASC.E8

Gall unrhyw hysbysiad o'r fath a gyhoeddir gan Cymwysterau Cymru -

(a) cael ei gyhoeddi mewn perthynas ag un neu fwy o gymwysterau TGAU / TAG,

(b) cael eu hamrywio neu eu tynnu'n ôl gan Cymwysterau Cymru ar unrhyw adeg cyn y dyddiad a nodwyd arnynt neu a bennwyd yn unol â hwy.

Amod Safonol Ychwanegol F – Sicrhau bod Deunyddiau Asesu wedi'u Marcio ar gael i Ddysgwyr

ASC.F1

Mewn perthynas â phob cymhwyster TGAU / TAG a gynigir ganddo, mae'n rhaid i gorff dyfarnu sefydlu, cynnal a chydymffurfio â threfniadau i ddarparu Deunydd Asesu wedi'i Farcio i'r Dysgwr i'r canlynol –

(a) y Dysgwr, neu

(b) unrhyw Ganolfan Berthnasol (ar ran y Dysgwr)

ASC.F2

Gall y trefniadau –

(a) darparu nad yw'n ofynnol i'r corff dyfarnu ddarparu copi neu gynrychioliad o dystiolaeth a gynhyrchwyd gan y Dysgwr yn yr asesiad lle y mae hyn eisoes ym meddiant y Dysgwr neu unrhyw Ganolfan Berthnasol,

(b) darparu mai dim ond ar ôl talu ffi y bydd y corff dyfarnu yn darparu Deunydd Asesu wedi'i Farcio,

(c) darparu mai dim ond ar gais y bydd y corff dyfarnu yn darparu Deunydd Asesu wedi'i Farcio,

(d) darparu bod yn rhaid i'r Ganolfan Berthnasol gyflwyno unrhyw gais o'r fath (ar ran y Dysgwr),

(e) nodi gofynion rhesymol eraill ar gyfer gwneud cais o'r fath

(f) nodi terfyn amser ar gyfer gwneud cais o'r fath.

ASC.F3 Mae'n rhaid i'r trefniadau alluogi Ymgeisydd Preifat i ofyn am ei Ddeunydd neu ei Deunydd Asesu wedi'i Farcio ei hun.

ASC.F4 Mae'n rhaid i drefniadau ganiatáu cyfle rhesymol i Ddysgwyr a Chanolfannau Perthnasol ystyried p'un a ddylid gwneud cais am y canlynol –

(a) Adolygiad o Wallau Gweinyddol

(b) adolygiad o waith marcio mewn perthynas â Deunydd Asesu wedi'i Farcio,

gan ystyried unrhyw derfyn amser ar gyfer cyflwyno cais o'r fath i'r corff dyfarnu.

ASC.F5 Rhaid i unrhyw ddyddiad a nodir yn y trefniadau –

(a) i'r corff dyfarnu ddarparu Deunydd Asesu wedi'i Farcio i'r Dysgwr (neu'r Ganolfan Berthnasol os yw'n briodol), neu

(b) ar gyfer derbyn cais ar gyfer Deunydd Asesu wedi'i Farcio

gydymffurfio â'r gofynion a nodir yn Atodiad 1 yr Amodau hyn.

ASC.F6 Rhaid i'r trefniadau nodi y dylid darparu copi o'r meini prawf a ddefnyddir i wahaniaethu perfformiad Dysgwyr mewn perthynas â'r asesiad i'r Dysgwr (neu'r Ganolfan Berthnasol os yw'n briodol) ar yr un pryd ag y darperir y Deunydd Asesu wedi'i Farcio neu cyn hynny.

Cymhwyso

ASC.F7 Ni fydd Amod ASC.F4 yn berthnasol i gorff dyfarnu tan 1 Mai 2020.

ASC.F8 Gall Cymwysterau Cymru gyhoeddi hysbysiadau o dan y paragraff hwn a all -

(a) cael eu cyhoeddi mewn perthynas ag un neu fwy o gymwysterau TGAU,

(b) cael eu hamrywio neu eu tynnu'n ôl gan Cymwysterau Cymru ar unrhyw

adeg cyn y dyddiad a nodwyd arnynt neu a bennwyd yn unol â hwy.

Amod Safonol Ychwanegol G - Adolygiad o Wallau Gweinyddol

- ASC.G1 Mewn perthynas â phob cymhwyster TGAU / TAG a gynigir ganddo, rhaid i gorff dyfarnu sefydlu, cynnal a chydymffurfio â threfniadau yn unol â'r Amod hwn i unrhyw Ddysgwr wneud cais, neu gais ar ran y Dysgwr, i'r corff dyfarnu gynnal Adolygiad o Wallau Gweinyddol mewn perthynas â Deunydd Asesu wedi'i Farcio'r Dysgwr hwnnw ar gyfer unrhyw asesiad ar gyfer y cymhwyster hwnnw ac i'r corff dyfarnu gynnal Adolygiad o Wallau Gweinyddol o'r fath.
- ASC.G2 Gall y trefniadau -
- (a) darparu mai dim ond ar gais y bydd y corff dyfarnu yn cynnal Adolygiad o Wallau Gweinyddol,
 - (b) darparu bod yn rhaid i Ganolfan Berthnasol gyflwyno cais o'r fath (ar ran y Dysgwr),
 - (c) darparu mai dim ond ar ôl talu ffi y bydd y corff dyfarnu yn cynnal Adolygiad o Wallau Gweinyddol,
 - (d) nodi gofynion rhesymol eraill ar gyfer gwneud cais ar gyfer Adolygiad o Wallau Gweinyddol
 - (d) nodi'r terfyn amser ar gyfer gwneud cais am Adolygiad o Wallau Gweinyddol
- ASC.G3 Mae'n rhaid i'r trefniadau alluogi Ymgeisydd Preifat i ofyn am ei Ddeunydd neu ei Deunydd Asesu wedi'i Farcio ei hun.
- ASC.G4 Lle mae'r trefniadau yn nodi terfyn amser ar gyfer gwneud cais am Adolygiad o Wallau Gweinyddol, rhaid i'r dyddiad -
- (a) bod yn rhesymol, gan ystyried y canlynol –
 - (i) y terfyn amser ar gyfer darparu'r Deunydd Asesu wedi'i Farcio i'r Dysgwr yn unol â threfniadau'r corff dyfarnu,
 - (ii) diben y cymhwyster TGAU / TAG,
 - (b) cydymffurfio ag unrhyw ofynion y gall Cymwysterau Cymru eu cyhoeddi a'u diwygio o bryd i'w gilydd.
- ASC.G5 Pan gynhelir Adolygiad o Wallau Gweinyddol, rhaid i'r trefniadau wneud y canlynol yn ofynnol -
- (b) lle bydd y corff dyfarnu o'r farn nad yw'r gwaith marcio a gofnodwyd yn y Deunydd Asesu wedi'i Farcio yn cynnwys Gwall Gweinyddol, na fydd yn gwneud unrhyw newid i'r marc a ddyfarnwyd,

(a) lle bydd y corff dyfarnu yn penderfynu bod y gwaith marcio a gofnodwyd yn y Deunydd Asesu wedi'i Farcio yn cynnwys Gwall Gweinyddol, y bydd yn cywiro effaith y gwall hwnnw,

(c) lle bydd yr Adolygiad o Wallau Gweinyddol yn penderfynu y dylid newid marciau, y bydd y corff dyfarnu yn gwneud unrhyw newid dilynol i ganlyniad y Dysgwr,

(d) bydd y corff dyfarnu yn rhoi gwybod i'r Dysgwr (neu'r Ganolfan Berthnasol os yw'n briodol) am ganlyniad yr Adolygiad o Wallau Gweinyddol, gan nodi unrhyw newid mewn marciau, unrhyw newid o ran y canlyniad, a manylion am natur unrhyw Wall Gweinyddol a ddarganfuwyd.

ASC.G6 Rhaid i'r trefniadau ei gwneud yn ofynnol i bob Adolygiad o Wallau Gweinyddol gael ei gynnal gan bersonau sy'n meddu ar gymhwysedd priodol ac nad oes ganddynt unrhyw fuddiant personol yng nghanlyniad yr Adolygiad o Wallau Gweinyddol a gynhelir.

Amod Safonol Ychwanegol H - Adolygu gwaith marcio ar gyfer Deunydd Asesu wedi'i Farcio

ASC.H1 Mewn perthynas â phob cymhwyster TGAU / TAG a gynigir ganddo, neu y mae'n bwriadu ei gynnal, rhaid i gorff dyfarnu sefydlu, cynnal a chydymffurfio â threfniadau er mwyn iddo gynnal adolygiad o waith marcio mewn perthynas â Deunydd Asesu wedi'i Farcio'r Dysgwr.

ASC.H2 Gall y trefniadau -

(a) darparu mai dim ond ar gais y bydd y corff dyfarnu yn cynnal adolygiad o waith marcio,

(b) darparu bod yn rhaid i Ganolfan Berthnasol gyflwyno unrhyw gais o'r fath (ar ran y Dysgwr),

(c) darparu mai dim ond ar ôl talu ffi y bydd y corff dyfarnu yn cynnal adolygiad o'r gwaith marcio mewn perthynas â'r Deunydd Asesu wedi'i Farcio,

(d) nodi gofynion eraill ar gyfer gwneud cais i adolygu gwaith marcio,

(e) nodi terfyn amser ar gyfer gwneud cais am adolygiad o waith marcio.

ASC.H3 Mae'n rhaid i'r trefniadau alluogi Ymgeisydd Preifat i ofyn am ei Ddeunydd neu ei Deunydd Asesu wedi'i Farcio ei hun.

ASC.H4 Lle bo'r trefniadau yn nodi terfyn amser ar gyfer gwneud cais am adolygiad o waith marcio mewn perthynas â Deunydd Asesu wedi'i Farcio, rhaid i'r dyddiad -

(a) bod yn rhesymol, gan ystyried y canlynol –

(i) y terfyn amser ar gyfer darparu'r Deunydd Asesu wedi'i Farcio i'r Dysgwr yn unol â threfniadau'r corff dyfarnu,

(ii) diben y cymhwyster TGAU / TAG,

(b) cydymffurfio â'r gofynion a nodir yn Atodiad 1 yr Amodau hyn.

ASC.H5

Rhaid i'r trefniadau ddarparu ar gyfer y canlynol, ar ôl cynnal adolygiad o waith marcio mewn perthynas â Deunydd Asesu wedi'i Farcio -

(a) y bydd yr Aseswr yn penderfynu, mewn perthynas â phob tasg yn yr asesiad y gellid bod wedi dyfarnu marciau ar ei chyfer, ac mewn perthynas â'r asesiad yn gyffredinol, p'un a oedd y gwaith marcio yn cynnwys unrhyw Wall Marcio,

(b) lle bo'r Aseswr wedi penderfynu nad oedd y gwaith marcio mewn perthynas â'r asesiad yn cynnwys unrhyw Wall Marcio, na fydd yr Aseswr yn gwneud unrhyw newidiadau i'r marc a ddyfarnwyd,

(c) lle bo'r Aseswr wedi penderfynu bod y gwaith marcio mewn perthynas â'r asesiad yn cynnwys Gwall Marcio, y bydd yr Aseswr yn cywiro effaith y Gwall Marcio ond ni fydd yn gwneud unrhyw newidiadau eraill i'r marc a ddyfarnwyd,

(d) bydd yr Aseswr yn dogfennu'r rhesymau am unrhyw benderfyniad ac am unrhyw newid o ran marciau.

ASC.H6

Rhaid i'r trefniadau ddarparu ar gyfer y canlynol -

(a) y caiff yr holl adolygiadau o waith marcio mewn perthynas â Deunydd Asesu wedi'u Farcio eu cynnal gan Aseswyr sy'n meddu ar gymhwysedd priodol ac nad oes ganddynt unrhyw fuddiant personol yng nghanlyniad yr adolygiad a gynhelir,

(b) na fydd Aseswr a gymerodd ran yn y broses o farcio tasg mewn asesiad yn flaenorol mewn perthynas â Dysgwr yn rhan o adolygiad o'r gwaith marcio mewn perthynas â Deunydd Asesu wedi'i Farcio'r Dysgwr mewn perthynas â'r dasg honno,

(c) cyn cynnal unrhyw adolygiad o waith marcio, y rhoddir hyfforddiant i bob Aseswr o ran sut i gynnal adolygiad o'r gwaith marcio yn unol â'r Amod hwn,

(d) cyn cynnal adolygiad o'r gwaith marcio mewn perthynas ag unrhyw Ddeunydd Asesu wedi'i Farcio, y bydd Aseswr yn cael copi o'r Deunydd Asesu wedi'i Farcio a chopi o'r meini prawf a ddefnyddir i wahaniaethu perfformiad Dysgwyr yn eu herbyn,

(e) y bydd y corff dyfarnu yn monitro p'un a yw'r Aseswyr sy'n cynnal adolygiadau o waith marcio yn –

(i) gwneud hynny yn unol â'r Amod hwn,

(ii) yn gwneud penderfyniadau sy'n gyson dros amser ac yn gyson â phenderfyniadau a wnaed gan ei gilydd,

(f) lle bo'r corff dyfarnu yn dod i wybod, drwy ei waith monitro neu fel arall,

nad yw Aseswr yn cynnal adolygiadau o waith marcio yn unol â'r Amod hwn, y bydd yn cymryd pob cam rhesymol i wneud y canlynol –

- i. cywiro effaith y methiant, neu lle na ellir ei chywiro, ei lliniaru cymaint â phosibl,
- ii. sicrhau na fydd y methiant yn digwydd eto yn y dyfodol,

(g) lle bydd adolygiad o waith marcio yn penderfynu y dylid newid marciau, bydd y corff dyfarnu yn gwneud unrhyw newid dilynol i ganlyniad y Dysgwr,

(h) y bydd y corff dyfarnu yn rhoi gwybod i'r Dysgwr (neu'r Ganolfan Berthnasol os yw'n briodol) am ganlyniad yr adolygiad o'r gwaith marcio, gan nodi unrhyw newid o ran marciau ac unrhyw newid i'r canlyniad, a, naill ai ar yr un pryd â'r canlyniad hwnnw neu'n ddiweddarach, y rhesymau a ddogfennwyd gan yr Aseswr a gynhaliodd yr adolygiad.

ASC.H7

Rhaid i gorff dyfarnu gyhoeddi datganiad o'r trefniadau, gan gynnwys manylion am y canlynol -

(a) sut y dylid gwneud cais am adolygiad o waith marcio mewn perthynas â Deunydd Asesu wedi'i Farcio,

(b) unrhyw ddyddiad ar gyfer cyflwyno cais am adolygiad o waith marcio ac unrhyw derfyn amser ar gyfer derbyn cais i roi gwybod am y rhesymau mewn perthynas â'r adolygiad,

(c) unrhyw ffi sy'n daladwy fel rhan o'r trefniadau, o dan ba amgylchiadau y codir ffi o'r fath ac o dan ba amgylchiadau y gellir ad-dalu unrhyw ffi o'r fath,

(d) yr hyfforddiant y bydd y corff dyfarnu yn ei ddarparu i Aseswyr cyn cynnal adolygiad o waith marcio,

(e) y gwaith monitro y bydd y corff dyfarnu yn ei gynnal o Aseswyr sy'n cynnal adolygiadau o waith marcio,

(f) y camau gweithredu y bydd y corff dyfarnu yn eu cymryd os daw i wybod nad yw Aseswr yn cynnal adolygiadau o waith marcio yn unol â'r Amod hwn,

(g) y camau gweithredu y bydd y corff dyfarnu yn eu cymryd os daw i wybod nad yw penderfyniadau yn cael eu gwneud yn gyson dros amser na rhwng Aseswyr,

(h) y targed ar gyfer y cyfnod amser yn dilyn cais am adolygiad o waith marcio i'r corff dyfarnu roi gwybod i'r Dysgwr (neu'r Ganolfan Berthnasol os yw'n briodol) am ganlyniad yr adolygiad.

ASC.H8

Cymhwyso

Tan y cyfryw ddyddiad ag a nodir mewn unrhyw hysbysiad ysgrifenedig a gyhoeddir gan Cymwysterau Cymru yn unol â'r paragraff hwn neu a bennir yn unol ag ef –

- (a) Caiff Amod GCSE17.6(h) ei ddisodli gan *'bydd y corff dyfarnu –*
- (i) yn rhoi gwybod i'r Dysgwr (neu'r Ganolfan Berthnasol os yw'n briodol) am ganlyniad yr adolygiad o'r gwaith marcio, gan nodi unrhyw newid o ran marciau ac unrhyw newid i'r canlyniad,*
- (ii) lle y gwneir cais am hynny, yn rhoi gwybod i'r Dysgwr (neu'r Ganolfan Berthnasol os yw'n briodol) am y rhesymau a ddogfennwyd gan yr Aseswr a gynhaliodd yr adolygiad, ar yr Amod y gall y corff dyfarnu nodi cyfnod amser rhesymol ar ôl rhoi gwybod am ganlyniad yr adolygiad ar gyfer derbyn cais o'r fath'*
- (b) Caiff Amod GCSE17.7(b) ei ddisodli gan *'unrhyw ddyddiad ar gyfer cyflwyno cais am adolygiad o waith marcio ac unrhyw derfyn amser ar gyfer derbyn cais i roi gwybod am y rhesymau mewn perthynas â'r adolygiad',*
- (c) Caiff Amod GCSE17.7(h) ei ddisodli gan *'targed ar gyfer y cyfnod amser yn dilyn cais am adolygiad o waith marcio i'r corff dyfarnu roi gwybod i'r Dysgwr (neu'r Ganolfan Berthnasol os yw'n briodol) am ganlyniad yr adolygiad'.*

ASC.H9

Gall unrhyw hysbysiad o'r fath a gyhoeddir gan Cymwysterau Cymru –

- (a) cael ei gyhoeddi mewn perthynas ag un neu fwy o Gymwysterau TGAU / TAG
- (b) cael eu hamrywio neu eu tynnu'n ôl gan Cymwysterau Cymru ar unrhyw adeg cyn y dyddiad a nodwyd arnynt neu a bennwyd yn unol â hwy.

Amod Safonol Ychwanegol I - Y broses apeliadau ar gyfer cymwysterau TGAU / TAG

ASC.I1 Mewn perthynas â phob cymhwyster TGAU / TAG a gynigir gan gorff dyfarnu, neu y mae'n bwriadu ei gynnig, nid yw Amod Safonol I1 (Y broses apeliadau) yn gymwys.

ASC.I2 Mewn perthynas â phob cymhwyster TGAU / TAG a gynigir ganddo, mae'n rhaid i gorff dyfarnu sefydlu, cynnal a chydymffurfio â phroses apeliadau y mae'n rhaid iddi ddarparu ar gyfer apêl o'r canlynol –

(a) canlyniad unrhyw waith Cymedroli mewn perthynas â gwaith marcio Canolfan o asesiad, yn dilyn adolygiad o'r gwaith Cymedroli mewn perthynas â'r gwaith marcio hwnnw,

(b) canlyniad unrhyw asesiad mewn perthynas â Dysgwr, yn dilyn adolygiad o waith marcio mewn perthynas â Deunydd Asesu wedi'i Farcio mewn perthynas â'r asesiad hwnnw,

(c) penderfyniadau ynghylch Addasiadau Rhesymol ac Ystyriaeth Arbennig,

(d) penderfyniadau sy'n ymwneud ag unrhyw gamau gweithredu a gymerwyd yn erbyn Dysgwr neu Ganolfan yn dilyn ymchwiliad i achos o gamymddwyn neu gamweinyddu.

ASC.I3

Gall y broses apeliadau –

(a) ddarparu mai dim ond ar ôl talu ffi y bydd y corff dyfarnu yn cynnal apêl,

(b) nodi gofynion eraill ar gyfer gwneud cais am apêl, ar yr Amod bod gofynion o'r fath yn rhesymol,

(c) nodi cyfnod amser ar gyfer gwneud cais am apêl.

ASC.I4

Lle bo'r trefniadau yn nodi cyfnod amser ar gyfer gwneud cais am apêl, rhaid i'r cyfnod amser

–

(a) fod yn rhesymol, a

(b) gydymffurfio â'r gofynion a nodir yn Atodiad 1 yr Amodau hyn..

ASC.I5

Rhaid i'r broses apeliadau ddarparu ar gyfer y canlynol –

(a) y caiff pob penderfyniad ar apêl ei wneud gan bersonau sy'n meddu ar gymhwysedd priodol ac nad oes ganddynt unrhyw fuddiant personol yn y penderfyniad y cyflwynir apêl yn ei erbyn,

(b) y caiff pob penderfyniad ar apêl ei wneud gan bersonau nad oeddent yn rhan o unrhyw waith marcio yn flaenorol, gwaith Cymedroli, adolygiad o waith marcio mewn perthynas â Deunydd Asesu wedi'i Farcio nac adolygiad o Waith Cymedroli blaenorol sy'n ymwneud ag asesiad mewn perthynas â Dysgwr y mae'r apêl yn ymwneud ag ef,

(c) y bydd y penderfyniad terfynol mewn perthynas â chanlyniad apêl yn cynnwys o leiaf un gwneuthurwr penderfyniad nad yw wedi'i gyflogi gan y corff dyfarnu, yn Aseswr sy'n gweithio ar ran y corff dyfarnu, neu'n ymwneud fel arall â'r corff dyfarnu,

(d) y bydd y corff dyfarnu yn rhoi gwybod i'r Dysgwr (neu'r Ganolfan Berthnasol os yw'n briodol) am ganlyniad apêl, gan nodi'r rhesymau am y canlyniad hwnnw.

ASC.I6

Ni ddylai'r broses apeliadau ganiatáu unrhyw newid i lefel cyrhaeddiad benodedig a bennwyd ar gyfer y cymhwyster TGAU / TAG.

ASC.I7

At ddibenion ASC.I2(a), rhaid i'r broses apeliadau sydd ar waith gan gorff dyfarnu ddarparu ar gyfer apeliadau effeithiol yn erbyn canlyniadau gwaith Cymedroli ar y sail –

(a) bod y gwaith Cymedroli (neu'r adolygiad o'r gwaith Cymedroli os yw'n briodol) yn cynnwys Gwall Cymedroli,

(b) na chymhwysodd y corff dyfarnu'r gweithdrefnau'n gyson neu na ddilynwyd y gweithdrefnau mewn ffordd briodol a theg, ar yr Amod na fydd unrhyw enghraifft o arddel barn academaidd mewn perthynas â chanlyniad y gwaith Cymedroli, at y dibenion hyn, yn gyfystyr â chymhwyso neu ddilyn gweithdrefn.

ASC.I8 At ddibenion ASC.I2(a), rhaid i'r broses apeliadau sydd ar waith gan gorff dyfarnu ddarparu i unrhyw gais am apêl yn erbyn canlyniad gwaith Cymedroli o waith marcio'r Ganolfan mewn perthynas ag asesiad gael ei wneud gan y Ganolfan.

ASC.I9 At ddibenion ASC.I2(b), rhaid i'r broses apeliadau sydd ar waith gan gorff dyfarnu ddarparu ar gyfer apeliadau effeithiol yn erbyn canlyniadau ar y sail –

(i) bod y gwaith o farcio'r asesiad (neu'r adolygiad o'r gwaith o farcio Deunydd Asesu wedi'i Farcio os yw'n briodol) yn cynnwys Gwall Marcio,

(ii) na chymhwysodd y corff dyfarnu'r gweithdrefnau'n gyson neu na ddilynwyd y gweithdrefnau mewn ffordd briodol a theg, ar yr Amod, at y dibenion hyn –

(i) y caiff unrhyw weithdrefnau mewn perthynas â phennu lefelau cyrhaeddiad penodedig ar gyfer y cymhwyster TGAU / TAG eu heithrio,

(ii) na fydd unrhyw enghraifft o arddel barn academaidd mewn perthynas â dyfarnu marciau yn gyfystyr â chymhwyso neu ddilyn gweithdrefn.

ASC.I10 At ddibenion ASC.I2(b) i ASC.I2(d), os oes gan gorff dyfarnu broses apeliadau ar waith -

- (a) gall ddarparu lle y cyflawnwyd asesiad gan Ganolfan Berthnasol, bod yn rhaid i'r Ganolfan Berthnasol gyflwyno unrhyw gais am apêl mewn perthynas â Dysgwr sy'n ymwneud â'r asesiad (ar ran y Dysgwr
- (b) rhaid darparu y gall Ymgeisydd Preifat wneud cais i apelio ei hun.

Cymhwyso

ASC.I11 Tan y cyfryw ddyddiad ag a nodir mewn unrhyw hysbysiad ysgrifenedig a gyhoeddir gan Cymwysterau Cymru yn unol â'r paragraff hwn neu a bennir yn unol ag ef,

(a) Caiff ASC.I7 ei ddisodli gan '*At ddibenion ASC.I2(a), rhaid i'r broses apeliadau sydd ar waith gan gorff dyfarnu ddarparu ar gyfer apeliadau effeithiol yn erbyn canlyniadau gwaith Cymedroli ar y sail na chymhwysodd y corff dyfarnu'r gweithdrefnau'n gyson neu na ddilynwyd y gweithdrefnau mewn ffordd briodol a theg*'.

(b) Caiff ASC.I9 ei ddisodli gan '*At ddibenion GCSE18.2(b), rhaid i'r broses apeliadau sydd ar waith gan gorff dyfarnu ddarparu ar gyfer apeliadau effeithiol yn erbyn canlyniadau ar y sail na chymhwysodd y corff dyfarnu'r*

gweithdrefnau'n gyson neu na ddilynwyd y gweithdrefnau mewn ffordd briodol a theg, ar yr Amod y caiff unrhyw weithdrefnau mewn perthynas â phennu lefelau cyrhaeddiad penodedig ar gyfer y Cymhwyster TGAU / TAG eu heithrio.'

- ASC.I12 Tan y cyfryw ddyddiad ag a nodir mewn unrhyw hysbysiad ysgrifenedig a gyhoeddir gan Cymwysterau Cymru yn unol â'r paragraff hwn neu a bennir yn unol ag ef, caiff Amod ASCI.8 ei ddisodli gan 'At ddibenion Amod ASC.I2(1), rhaid i'r broses apeliadau sydd ar waith gan sefydliad dyfarnu ddarparu ar gyfer y canlynol –
- (a) *i unrhyw gais am apêl yn erbyn canlyniad gwaith Cymedroli o waith marcio'r Ganolfan mewn perthynas ag asesiad gael ei wneud gan y Ganolfan,*
 - (b) *yn dilyn canlyniad apêl, na chaff canlyniad Dysgwr ei ddiweddarau fel bod y canlyniad hwnnw yn is'.*
- ASC.I13 Gall unrhyw hysbysiad a gyhoeddir gan Cymwysterau Cymru yn unol ag ASC.I11 neu ASC.I12 –
- (a) cael ei gyhoeddi mewn perthynas ag un neu fwy o gymwysterau TGAU / TAG,
 - (b) cael eu hamrywio neu eu tynnu'n ôl gan Cymwysterau Cymru ar unrhyw adeg cyn y dyddiad a nodwyd arnynt neu a bennwyd yn unol â hwy.

Amod Safonol Ychwanegol J – Penderfyniadau gan Ganolfannau ynghylch Trefniadau Adolygu ac Apeliadau

- ASC.J1 Mewn perthynas â phob Cymhwyster TGAU / TAG a gynigir ganddo, lle mae trefniadau corff dyfarnu yn darparu bod yn rhaid i gais o dan Amodau ASC.F – ASC.I gael ei wneud gan Ganolfan Berthnasol ar ran Dysgwr, rhaid i'r corff dyfarnu gymryd pob cam rhesymol i sicrhau bod gan y Ganolfan Berthnasol drefniadau effeithiol ar waith er mwyn i'r Dysgwr wneud y canlynol – –
- (a) gwneud cais i'r Ganolfan Berthnasol er mwyn iddo gyflwyno cais o'r fath,
 - (b) apelio penderfyniad Canolfan Berthnasol sy'n nodi na ddylid cyflwyno cais o'r fath, ac i'r Ganolfan Berthnasol benderfynu ar yr apêl honno.
- ASC.J2 At ddibenion yr Amod hwn, rhaid i gorff dyfarnu gymryd pob cam rhesymol er mwyn sicrhau'r canlynol –
- (a) bod y Ganolfan Berthnasol yn sicrhau bod Dysgwyr yn ymwybodol o'r trefniadau sydd ar waith ganddo cyn cyhoeddi canlyniadau mewn perthynas â'r asesiad, a
 - (b) bod y Ganolfan Berthnasol yn rhoi datganiad o'r trefniadau i Ddysgwyr yn ddi-oed pan ofynnir amdano.

Amod Safonol Ychwanegol K – Perfformiad targed mewn perthynas â Threfniadau Adolygu ac Apeliadau

- ASC.K1 Mewn perthynas â phob cymhwyster TGAU / TAG a gynigir ganddo, lle bo trefniadau corff dyfarnu yn nodi y gall ddarparu Deunydd Asesu wedi'i Farcio'r Dysgwr ar gais, rhaid iddo bennu targed ar gyfer y cyfnod amser yn dilyn cais o'r fath ar gyfer darparu'r Deunydd Asesu wedi'i Farcio i'r Dysgwr (neu'r Ganolfan Berthnasol os yw'n briodol).
- ASC.K2 Mewn perthynas â phob cymhwyster TGAU / TAG a gynigir ganddo, rhaid i gorff dyfarnu bennu targedau ar gyfer pob un o'r cyfnodau amser canlynol -
- (a) y cyfnod yn dilyn cais am adolygiad o waith Cymedroli a wnaed gan y corff dyfarnu lle bydd y corff dyfarnu wedi rhoi gwybod i'r Ganolfan am ganlyniad yr adolygiad o'r gwaith Cymedroli,
 - (b) y cyfnod yn dilyn cais am adolygiad o'r fath o waith Cymedroli lle bydd y corff dyfarnu wedi rhoi gwybod i'r Ganolfan am ganlyniad yr adolygiad o'r gwaith Cymedroli a'r rhesymau dros gynnal yr adolygiad,
 - (c) y cyfnod yn dilyn cais am Adolygiad o Wallau Gweinyddol lle bydd y corff dyfarnu wedi rhoi gwybod i'r Dysgwr (neu'r Ganolfan Berthnasol os yw'n briodol) am ganlyniad yr Adolygiad o Wallau Gweinyddol,
 - (d) y cyfnod yn dilyn cais am adolygiad o waith marcio mewn perthynas â Deunydd Asesu wedi'i Farcio lle bydd y corff dyfarnu wedi rhoi gwybod i'r Dysgwr (neu'r Ganolfan Berthnasol os yw'n briodol) am ganlyniad yr adolygiad o'r gwaith marcio,
 - (e) y cyfnod yn dilyn cais am adolygiad o'r fath o waith marcio lle bydd y corff dyfarnu wedi rhoi gwybod i'r Dysgwr (neu'r Ganolfan Berthnasol os yw'n briodol) am ganlyniad yr adolygiad o'r gwaith marcio a'r rhesymau dros gynnal yr adolygiad,
 - (f) y cyfnod yn dilyn cais am apêl lle bydd y corff dyfarnu wedi rhoi gwybod i'r Dysgwr (neu'r Ganolfan os yw'n briodol) am ganlyniad yr apêl,
 - (g) y cyfnod yn dilyn derbyn yr holl dystiolaeth mewn perthynas ag apêl lle bydd y corff dyfarnu wedi rhoi gwybod i'r Dysgwr (neu'r Ganolfan os yw'n briodol) am ganlyniad yr apêl.
- ASC.K3 Rhaid i unrhyw gyfnod amser targed a bennir gan gorff dyfarnu mewn perthynas â chymhwyster TGAU / TAG gydymffurfio ag unrhyw ofynion y gall Cymwysterau Cymru eu cyhoeddi a'u diwygio o bryd i'w gilydd.
- ASC.K4 Rhaid i gorff dyfarnu gymryd pob cam rhesymol i fodloni'r cyfnodau amser targed a bennwyd ganddo mewn perthynas â chymhwyster TGAU / TAG.

Adrodd

ASC.K5 Mewn perthynas â phob cymhwyster TGAU / TAG a gynigir ganddo, rhaid i gorff dyfarnu baratoi a chyhoeddi adroddiad mewn perthynas â phob blwyddyn, gan nodi nifer o weithiau y mae wedi gwneud y canlynol - -

- (a) cydymffurfio â'r cyfnodau amser targed y mae wedi'u pennu
- (b) methu â chydymffurfio â'r cyfnodau amser targed hynny.

ASC.K6 Rhaid i gorff dyfarnu sicrhau bod yr adroddiad a gaiff ei baratoi yn unol ag Amod ASC.K5 -

- (a) cydymffurfio ag unrhyw ofynion mewn perthynas â chynnwys neu gyflwyniad yr adroddiad y gall Cymwysterau Cymru eu cyhoeddi a'u diwygio o bryd i'w gilydd,
- (b) yn cael ei ddarparu i Cymwysterau Cymru erbyn unrhyw ddyddiad a nodwyd ymlaen llaw gan Cymwysterau Cymru
- (c) yn cael ei gyhoeddi, lle y bo'n ofynnol gan Cymwysterau Cymru, erbyn unrhyw ddyddiad a nodwyd ymlaen llaw gan Cymwysterau Cymru.

Cymhwyso

ASC.K7 Ni fydd Amod ASC.K2(e) yn berthnasol i gorff dyfarnu tan 1 Mai 2020.

ASC.K8 Gall unrhyw hysbysiad o'r fath a gyhoeddir gan Gymwysterau Cymru -

- (a) cael ei gyflwyno mewn perthynas ag un neu fwy o gymwysterau TGAU / TAG, a
- (b) cael ei amrywio neu ei dynnu'n ôl gan Gymwysterau Cymru ar unrhyw adeg cyn y dyddiad a bennir ynddo neu a bennwyd oddi tano.

Amod Safonol Ychwanegol L – Trefniadau Adolygu ac Apeliadau a thystysgrifau

ASC.L1 Mewn perthynas â phob Cymhwyster TGAU / TAG a gynigir ganddo, lle mae canlyniad Dysgwr wedi newid o dan Drefniadau Adolygu ac Apelio'r corff dyfarnu, mae'n rhaid i'r corff dyfarnu gymryd pob cam rhesymol, gan gynnwys sicrhau bod trefniadau ar waith er mwyn -

- (a) diddymu unrhyw dystysgrif y mae wedi'i gyflwyno i'r Dysgwr hwnnw
- (b) cyflwyno dystysgrif newydd sy'n adlewyrchu'r marc a ddiwygiwyd yn gywir.

Amod Safonol Ychwanegol M – Darganfod methiant mewn prosesau asesu

ASC.M1 Os bydd corff dyfarnu yn darganfod methiant yn ei broses asesu ar ôl iddo gymhwyso ei Drefniadau Adolygu neu broses apeliadau yn achos Dysgwr, rhaid iddo gymryd pob cam rhesymol i wneud y canlynol -

- (a) nodi unrhyw Ddysgwr arall y mae'r methiant wedi effeithio arno,

(b) cywiro effaith y methiant, neu lle na ellir ei chywiro, ei lliniaru cymaint â phosibl, a

(c) sicrhau na fydd y methiant yn digwydd eto yn y dyfodol.

Amod Safonol Ychwanegol N – Cyhoeddi Trefniadau Adolygu ac Apeliadau

ASC.N1 Mewn perthynas â phob cymhwyster TGAU / TAG a gynigir ganddo, neu y mae'n bwriadu ei gynnig, rhaid i gorff dyfarnu gyhoeddi datganiad o'i Drefniadau Adolygu ac Apeliadau (mewn un ddogfen neu fwy), gan gynnwys y manylion canlynol –

(a) y ffordd y mae'n rhaid gwneud cais am Ddeunyddiau Asesu wedi'u Marcio a phob math o adolygiad ac apêl,

(b) y terfyn amser ar gyfer gwneud pob math o gais

(c) unrhyw ffi sy'n daladwy mewn perthynas â phob math o gais, o dan ba amgylchiadau y codir ffi o'r fath ac o dan ba amgylchiadau y gellir ad-dalu unrhyw ffi o'r fath,

(c) y cyfnod amser targed a bennir mewn perthynas â phob math o gais o dan Amod ASC.K.

ASC.N2 Mae'n rhaid i'r wybodaeth y mae corff dyfarnu yn ei chyhoeddi yn unol â ASC.N1 alluogi Dysgwyr a Chanolfannau i feddu ar y canlynol –

(a) dealltwriaeth resymol o'r trefniadau hynny

(b) dealltwriaeth resymol o'r ffordd y mae'r trefniadau hynny yn berthnasol i'w gilydd.

ASC.N3 Rhaid i gorff dyfarnu gymryd pob cam rhesymol i sicrhau y caiff gwybodaeth a gyhoeddir ganddo am ei Drefniadau Adolygu a'i broses apeliadau ar gyfer cymhwyster TGAU / TAG ei chyhoeddi ddigon ymlaen llaw cyn y caiff y cymhwyster y mae'n berthnasol iddo ei gyflwyno i Ddysgwyr er mwyn bodloni gofynion cynllunio rhesymol darpar brynwyr.

ASC.N4 Nid yw'r Amod yn berthnasol i adolygiadau o waith marcio mewn perthynas â Deunydd Asesu wedi'i Farcio, y mae'n rhaid i sefydliad dyfarnu gyhoeddi datganiad o dan Amodau ASC.H7-ASC.H8 mewn perthynas â hynny.

Amod Safonol Ychwanegol O – Dehongli a Diffiniadau

ASC.O1 Bydd y rheolau o ran dehongli a diffiniadau a amlinellir yn Amod Safonol J1 yn gymwys i'r Amodau Cydnabod Safonol Ychwanegol.

- ASC.O2 Ac eithrio o dan yr amgylchiadau a ddisgrifir yn ASC.O3, mae'r gofynion a osodir gan yr Amodau Cydnabod Safonol Ychwanegol yn gymwys yn ogystal â'r gofynion a osodir gan yr Amodau Cydnabod Safonol.
- ASC.O3 I'r graddau y ceir unrhyw anghysondeb rhwng un o ofynion Amod Cydnabod Safonol Ychwanegol ac un o ofynion Amod Cydnabod Safonol, fel na allai corff dyfarnu gydymffurfio â'r ddau ofyniad hynny, rhaid i'r corff dyfarnu gydymffurfio â gofyniad yr Amod Cydnabod Safonol Ychwanegol ac nid yw'n ofynnol iddo gydymffurfio â gofyniad yr Amod Cydnabod Safonol.
- ASC.O4 Yn yr Amodau hyn, bydd gan y geiriau canlynol yr ystyr a roddwyd iddynt isod (a dylid dehongli ymadroddion cytras yn unol â hynny) –

Gwall Gweinyddol

Gwall wrth farcio asesiad sydd naill ai -

- (a) yn fethiant i farcio tasg sy'n rhan o'r asesiad, neu
- (b) yn fethiant i gyfrifo'r cyfanswm marciau ar gyfer yr asesiad yn gywir o'r marciau a ddyfarnwyd gan yr Aseswr ar gyfer y tasgau sy'n rhan o'r asesiad.

Adolygiad o Wallau Gweinyddol

Adolygiad i benderfynu p'un a yw'r gwaith marcio a gofnodwyd mewn Deunydd Asesu wedi'i Farcio yn cynnwys Gwall Gweinyddol.

Deunydd Asesu wedi'i Farcio

Mewn perthynas ag asesiad ar gyfer cymhwyster TGAU / TAG a wneir gan Ddysgwr, ac eithrio asesiad lle y caiff tystiolaeth a lunnir gan Ddysgwr ei marcio gan Ganolfan, deunydd sy'n cynnwys y canlynol

- (a) copi o unrhyw dystiolaeth a luniwyd gan y Dysgwr yn yr asesiad a ddelir gan y corff dyfarnu neu, lle na ddelir tystiolaeth a luniwyd gan y Dysgwr yn yr asesiad neu lle na ellir gwneud copi ohono yn hawdd, cynrychioliad o'r dystiolaeth ar ffurf arall,
- (b) copi o'r cofnod o'r marciau a ddyfarnwyd gan yr Aseswr ar yr adeg y marciwyd y dystiolaeth a luniwyd gan y Dysgwr, a
- (c) copi o unrhyw sylwadau a gofnododd yr Aseswr wrth farcio'r dystiolaeth a luniwyd gan y Dysgwr.

Gwall Marcio

Achos o ddyfarnu marc na ellid bod wedi'i ddyfarnu'n rhesymol o ystyried y dystiolaeth a luniwyd gan y Dysgwr, y meini prawf a ddefnyddir i wahaniaethu perfformiad Dysgwyr yn eu herbyn ac unrhyw weithdrefnau sydd ar waith gan y corff dyfarnu mewn perthynas â marcio, gan gynnwys yn arbennig pan fo'r marc a ddyfarnwyd yn seiliedig ar –

- (a) Gwall Gweinyddol,

(b) methiant i gymhwyso meini prawf a gweithdrefnau o'r fath at y dystiolaeth a luniwyd gan y Dysgwr lle nad oedd y methiant hwnnw yn cynnwys arddel barn academaidd, neu

(c) achos o arddel barn academaidd mewn modd afresymol.

Gwall Cymedroli

Achos o bennu canlyniad gwaith Cymedroli na ellid bod wedi'i bennu'n rhesymol o ystyried y dystiolaeth a luniwyd gan Ddysgwyr a ystyriwyd at ddiben y gwaith Cymedroli, gwaith marcio'r Ganolfan mewn perthynas â'r dystiolaeth honno, y meini prawf a ddefnyddir i wahaniaethu perfformiad Dysgwyr yn eu herbyn ac unrhyw weithdrefn sydd ar waith gan y corff dyfarnu mewn perthynas â Chymedroli, gan gynnwys yn arbennig pan fo canlyniad y gwaith Cymedroli yn seiliedig ar –

(a) Gwall Gweinyddol,

(b) methiant i gymhwyso meini prawf a gweithdrefnau o'r fath at y dystiolaeth a luniwyd gan Ddysgwyr lle nad oedd y methiant hwnnw yn cynnwys arddel barn academaidd, neu

(c) achos o arddel barn academaidd mewn modd afresymol.

Ymgeisydd Preifat

Dysgwr nad oes Canolfan Berthnasol yn berthnasol iddo.

Canolfan Berthnasol

Mewn perthynas â Dysgwr, Canolfan sydd -

(a) wedi prynu'r Cymhwyster TGAU / TAG (ar ran y Dysgwr),

(b) wedi cyfrannu mewn ffordd berthnasol at y gwaith o baratoi'r Dysgwr ar gyfer yr asesiad (boed drwy waith addysgu neu gyfarwyddo a ddarparwyd gan Athrawon a gyflogir ganddi neu fel arall)

(c) wedi darparu'r asesiad i'r Dysgwr.

Trefniadau Adolygu ac Apeliadau

Mewn perthynas â chymhwyster TGAU / TAG, y trefniadau y mae'n ofynnol i gorff dyfarnu sefydlu, cynnal a chydymffurfio â nhw yn unol â

–

(a) ASC.E (Adolygu Gwaith Cymedroli),

(b) ASC.F (Sicrhau bod Deunyddiau Asesu wedi'u Marcio ar gael i Ddysgwyr),

(c) ASC.G (Adolygiad o Wallau Gweinyddol),

(d) ASC.H (Adolygu gwaith marcio ar gyfer Deunydd Asesu wedi'i Farcio)

(e) ASC.I (Y broses apeliadau ar gyfer cymwysterau TGAU / TAG)

Adran 2 - Amod Safonol Ychwanegol Q - Pennu ffiniau graddau TGAU, UG a Safon Uwch

ASC.Q1 Mewn perthynas â phob cymhwyster TGAU / TAG a gynigir ganddo, rhaid i gorff dyfarnu gydymffurfio ag unrhyw ofynion, ac ystyried unrhyw ganllawiau, y gall Cymwysterau Cymru eu cyhoeddi a'u diwygio o bryd i'w gilydd mewn perthynas â'r canlynol –

- a) hyrwyddo cysondeb rhwng y broses o fesur lefelau cyrhaeddiad Dysgwyr yn y cymhwyster hwnnw a chymwysterau tebyg a gynigir gan gyrff dyfarnu eraill, a
- b) pennu lefelau cyrhaeddiad penodedig

ASC.Q2 Wrth bennu'r lefelau cyrhaeddiad penodedig ar gyfer cymhwyster TGAU / TAG a gynigir ganddo, rhaid i gorff dyfarnu ystyried amrywiaeth briodol o dystiolaeth ansoddol a meintiol.

Dim ond os bydd yn cynnwys tystiolaeth o unrhyw un, neu fwy, o'r canlynol y bydd yr amrywiaeth o dystiolaeth a ystyrir gan gorff dyfarnu at ddibenion yr Amod hwn yn briodol-

- a) Lefel Galw'r asesiadau ar gyfer y cymhwyster hwnnw,
- b) y lefel cyrhaeddiad a ddangoswyd yn yr asesiadau hynny gan sampl gynrychioliadol briodol o'r Dysgwyr sy'n astudio'r cymhwyster hwnnw.
- c) y lefel cyrhaeddiad a ddangoswyd gan y Dysgwyr sy'n astudio'r cymhwyster hwnnw mewn -
 - i) asesiad blaenorol (nad oedd ar gyfer y cymhwyster hwnnw), p'un a oedd yr asesiad hwnnw ar gyfer cymhwyster a reoleiddir ai peidio, neu
 - ii) cymhwyster blaenorol, p'un a oedd y cymhwyster hwnnw yn gymhwyster a reoleiddir ai peidio, neu
- d) y lefel cyrhaeddiad a ddangoswyd gan Ddysgwyr y dyfarnwyd y cymhwyster iddynt yn flaenorol.

ASC.Q3 Rhaid i gorff dyfarnu gadw cofnod o'r canlynol-

- a) y dystiolaeth a ystyriwyd ganddo wrth bennu'r lefelau cyrhaeddiad penodedig ar gyfer cymhwyster a gynigir ganddo, a
- b) ei resymeg dros ddewis y dystiolaeth honno a sut y mae wedi ystyried y dystiolaeth honno.

ATODIAD 1

Adolygiadau o waith marcio, gwaith cymedroli ac apeliadau: gofynion ar gyfer dyddiadau allweddol

Cymwysterau TGAU

Rydym yn nodi isod y gofynion y mae'n rhaid i gorff dyfarnu gydymffurfio â hwy wrth ddynodi terfynau amser ar gyfer gwneud cais am adolygiadau o waith marcio, adolygiadau o waith Cymedroli ac apeliadau. Cyhoeddir y gofynion hyn yn unol ag Amodau Cydnabod Safonol Ychwanegol ASC.E3(b), ASC.F4 ac ASC.H3 ac maent yn berthnasol i bob cymhwyster TGAU a gaiff ei gymeradwyo neu ei ddynodi gan Cymwysterau Cymru.

Nid yw'n ofynnol mwyach i gyrff dyfarnu bennu dyddiadau cau ar gyfer derbyn ceisiadau gan Ddysgwyr/Canolfannau ar gyfer adolygiadau o waith marcio, adolygiadau o waith Cymedroli ac apeliadau. Wrth ddewis pennu unrhyw ddyddiadau cau, rhaid i gorff dyfarnu gydymffurfio â'r gofynion a nodir isod a'r holl ofynion eraill yn ei Amodau Cydnabod.

Yn arbennig, rhaid darllen y gofynion a nodir isod a chydymffurfio â hwy ar y cyd â'r Amodau Cydnabod Safonol Ychwanegol ar gyfer Cymwysterau TGAU / TAG (sy'n nodi gofynion pellach mewn perthynas â threfniadau corff dyfarnu). Nid yw rhai Amodau Safonol Ychwanegol perthnasol wedi dod i rym eto ac mae rhai darpariaethau trosiannol ar waith ar hyn o bryd. Byddwn yn adolygu'r gofynion a nodir isod yn rheolaidd wrth i unrhyw newidiadau gael eu gwneud.

Y gofynion o ran dyddiadau allweddol ar gyfer asesiadau TGAU ac eithrio asesiadau a gaiff eu marcio gan Ganolfan

Rhaid i gorff dyfarnu sicrhau y bodlonir y gofynion yn y tabl isod ym mhob achos lle na chaiff yr asesiad ei farcio gan Ganolfan. Mae'r tabl yn nodi'r cyfnod amser gofynnol y mae'n rhaid i'r corff dyfarnu dderbyn cais am adolygiad/apêl oddi fewn iddo. Ar yr Amod y caniateir cais am adolygiad/apêl o fewn y cyfnod amser hwnnw, caniateir hefyd i gorff dyfarnu ddarparu 'gwasanaeth cyflymach' (er enghraifft, lle y caiff ceisiadau am adolygiadau a gyflwynir erbyn dyddiad cynharach eu prosesu'n gyflymach).

	CAM	AMSERLEN GOFYNION
A	Y dyddiad y cyhoeddir y canlyniadau.	
B	Terfyn amser ar gyfer cyflwyno cais ar gyfer Deunydd Asesu wedi'i Farcio (lle y bo'n berthnasol).	Rhaid caniatáu o leiaf bythefnos yn dilyn Cam A i'r Dysgwr/Canolfan sy'n cyflwyno'r cais wneud cais o'r fath
C	Dyddiad derbyn Deunydd Asesu wedi'i Farcio.	

D	Terfyn amser ar gyfer cyflwyno cais i gynnal adolygiad o waith marcio mewn perthynas â Deunydd Asesu wedi'i Farcio ² .	Rhaid caniatáu o leiaf bedair wythnos yn dilyn Cam A i'r Dysgwr/Canolfan sy'n cyflwyno'r cais wneud cais o'r fath Ile mae'n ofynnol darparu Deunyddiau Asesu wedi'u Marcio, rhaid caniatáu o leiaf bythefnos yn dilyn Cam C i'r Dysgwr/Canolfan sy'n cyflwyno'r cais wneud cais o'r fath
E	Y dyddiad y bydd sefydliad dyfarnu yn rhoi gwybod am ganlyniad yr adolygiad o waith marcio ³ .	
F	Terfyn amser ar gyfer cyflwyno cais am resymau dros ganlyniad yr adolygiad ⁴ .	
G	Y dyddiad y bydd sefydliad dyfarnu yn rhoi rhesymau dros ganlyniad yr adolygiad.	
H	Terfyn amser ar gyfer cyflwyno cais ar gyfer Deunydd Asesu wedi'i Farcio (Ile nad ofynnir amdano'n flaenorol cyn yr adolygiad o'r Deunydd Asesu wedi'i Farcio)	Rhaid caniatáu o leiaf bythefnos yn dilyn Cam G i'r Dysgwr/Canolfan sy'n cyflwyno'r cais i wneud cais o'r fath
I	Dyddiad derbyn Deunydd Asesu wedi'i Farcio.	
J	Terfyn amser ar gyfer cyflwyno cais am apêl o ganlyniad yr asesiad ⁵ .	Rhaid caniatáu o leiaf bythefnos yn dilyn Cam E i'r Ganolfan/Dysgwr sy'n cyflwyno'r cais i wneud cais o'r fath, Ile y cyflwynwyd cais am resymau dros ganlyniad yr adolygiad (erbyn Cam F, lle y dynodir hynny gan y corff dyfarnu), rhaid caniatáu o leiaf bythefnos yn dilyn Cam G i'r Dysgwr/Canolfan sy'n cyflwyno'r cais gyflwyno cais am apêl,

² Rhaid i unrhyw ddyddiad a bennir gydymffurfio ag Amod ASC.H4, gan gynnwys cydymffurfio â'r gofynion a nodir yn y tabl.

³ O dan Amod ASC.K, mae'n ofynnol i sefydliadau dyfarnu sicrhau bod yr holl gamau rhesymol ar waith i gyrraedd targed ar gyfer yr amser y bydd yn ei gymryd i gwblhau adolygiad, a chymryd y camau hynny.

⁴ O dan Amod ASC.H7(a), mae'n ofynnol i sefydliadau dyfarnu ddarparu rhesymau dros ganlyniad yr adolygiad ar gais, er y gallant ddynodi terfyn amser rhesymol ar gyfer cyflwyno ceisiadau. Lle mae Cymwysterau Cymru wedi cyhoeddi hysbysiad o dan Amod ASC.H8, ni fydd yn rhaid i gyrff dyfarnu bennu terfyn amser ar gyfer gwneud cais am y rhesymau dros y canlyniad.

⁵ Rhaid i unrhyw ddyddiad a bennir gydymffurfio ag Amod GCSE18.4, gan gynnwys cydymffurfio â'r gofynion a nodir yn y tabl.

		Ile mae'n ofynnol darparu Deunyddiau Asesu wedi'u Marcio, rhaid caniatáu o leiaf bythefnos yn dilyn Cam I i'r Dysgwr/Canolfan sy'n cyflwyno'r cais wneud cais o'r fath.
K	Mae'r sefydliad dyfarnu yn rhoi gwybod am ganlyniad yr apêl ⁶ .	

⁶ O dan Amod ASC.K, mae'n ofynnol i sefydliadau dyfarnu sicrhau bod yr holl gamau rhesymol ar waith i gyrraedd targed ar gyfer yr amser y bydd yn ei gymryd i gwblhau apêl.

Y gofynion o ran dyddiadau allweddol ar gyfer asesiadau TGAU a gaiff eu marcio gan Ganolfan

Rhaid i gorff dyfarnu sicrhau y bodlonir y gofynion yn y tabl isod ym mhob achos lle y caiff yr asesiad ei farcio gan Ganolfan. Mae'r tabl yn nodi'r cyfnod amser gofynnol y mae'n rhaid i'r corff dyfarnu dderbyn cais am adolygiad/apêl oddi fewn iddo. Fel uchod, ar yr Amod y caniateir cais am adolygiad/apêl o fewn y cyfnod amser hwnnw, caniateir hefyd i gorff dyfarnu ddarparu 'gwasanaeth cyflymach'.

	Cam	Gofynion o ran cyfnod amser
A	Y dyddiad y bydd corff dyfarnu yn cyhoeddi canlyniad ei waith cymedroli.	
B	Terfyn amser ar gyfer cyflwyno cais i gynnal adolygiad o waith cymedroli ⁷ .	Rhaid caniatáu o leiaf bedair wythnos yn dilyn Cam A i'r ganolfan sy'n cyflwyno'r cais wneud cais o'r fath.
C	Y dyddiad y bydd corff dyfarnu yn rhoi gwybod am ganlyniad yr adolygiad o waith Cymedroli ⁸ .	
D	Y dyddiad y bydd corff dyfarnu yn rhoi rhesymau dros ganlyniad yr adolygiad ⁹ .	
E	Terfyn amser ar gyfer cyflwyno cais am apêl o ganlyniad adolygiad o waith Cymedroli ¹⁰ .	Rhaid caniatáu o leiaf bedair wythnos yn dilyn Cam C i'r Ganolfan sy'n cyflwyno'r cais wneud cais o'r fath, Rhaid caniatáu o leiaf bythefnos yn dilyn Cam D i'r Ganolfan sy'n cyflwyno'r cais wneud cais o'r fath.
F	Mae'r corff dyfarnu yn rhoi gwybod am ganlyniad yr apêl ¹¹ .	

⁷ Rhaid i unrhyw ddyddiad a bennir gydymffurfio ag Amod ASC.E3, gan gynnwys cydymffurfio â'r gofynion a nodir yn y tabl.

⁸ O dan Amod ASC.K, mae'n ofynnol i gyrff dyfarnu sicrhau bod yr holl gamau rhesymol ar waith i gyrraedd targed ar gyfer yr amser y bydd yn ei gymryd i gwblhau adolygiad, a chymryd y camau hynny

⁹ O dan Amod ASC.K, mae'n ofynnol i gyrff dyfarnu sicrhau bod yr holl gamau rhesymol ar waith i gyrraedd targed ar gyfer yr amser y bydd yn ei gymryd i gwblhau adolygiad a rhoi rhesymau, a chymryd y camau hynny

¹⁰ Rhaid i unrhyw ddyddiad a bennir gydymffurfio ag Amod ASC.K, gan gynnwys cydymffurfio â'r gofynion a nodir yn y tabl

¹¹ O dan Amod ASC.K, mae'n ofynnol i gyrff dyfarnu sicrhau bod yr holl gamau rhesymol ar waith i gyrraedd targed ar gyfer yr amser y bydd yn ei gymryd i gwblhau apêl, a chymryd y camau hynny.

Cymwysterau TAG

Rydym yn nodi isod y gofynion y mae'n rhaid i gorff dyfarnu gydymffurfio â hwy wrth ddynodi terfynau amser ar gyfer gwneud cais am adolygiadau o waith marcio, adolygiadau o waith Cymedroli ac apeliadau. Cyhoeddir y gofynion hyn o dan Amodau ASC.E3(b), ASC.H3(b) ac ASC.I4(b) ac maent yn berthnasol i bob cymhwyster TAG.

Nid yw'n ofynnol mwyach i gyrff dyfarnu bennu dyddiadau cau ar gyfer derbyn ceisiadau gan Ddysgwyr/Canolfannau ar gyfer adolygiadau o waith marcio, adolygiadau o waith Cymedroli ac apeliadau. Wrth ddewis pennu unrhyw ddyddiadau cau, rhaid i gorff dyfarnu gydymffurfio â'r gofynion a nodir isod a'r holl ofynion eraill yn ei Amodau Cydnabod.

Yn arbennig, rhaid darllen y gofynion a nodir isod a chydymffurfio â hwy ar y cyd â'r Amodau Cydnabod Safonol Ychwanegol ar gyfer Cymwysterau TGAU / TAG (sy'n nodi gofynion pellach mewn perthynas â threfniadau corff dyfarnu). Nid yw rhai Amodau Safonol Ychwanegol perthnasol wedi dod i rym eto ac mae rhai darpariaethau trosiannol ar waith ar hyn o bryd. Byddwn yn adolygu'r gofynion a nodir isod yn rheolaidd wrth i unrhyw newidiadau gael eu gwneud.

Y gofynion o ran dyddiadau allweddol ar gyfer asesiadau TAG ac eithrio asesiadau a gaiff eu marcio gan Ganolfan

Rhaid i gorff dyfarnu sicrhau y bodlonir y gofynion yn y tabl isod ym mhob achos lle na chaiff yr asesiad ei farcio gan Ganolfan. Mae'r tabl yn nodi'r cyfnod amser gofynnol y mae'n rhaid i'r corff dyfarnu dderbyn cais am adolygiad/apêl oddi fewn iddo. Ar yr Amod y caniateir cais am adolygiad/apêl o fewn y cyfnod amser hwnnw, caniateir hefyd i gorff dyfarnu ddarparu 'gwasanaeth cyflymach' (er enghraifft, lle y caiff ceisiadau am adolygiadau a gyflwynir erbyn dyddiad cynharach eu prosesu'n gyflymach).

	Cam	Gofynion o ran cyfnod amser
A	Y dyddiad y cyhoeddir y canlyniadau	
B	Terfyn amser ar gyfer cyflwyno cais ar gyfer Deunydd Asesu wedi'i Farcio (lle y bo'n berthnasol ¹²)	Rhaid caniatáu o leiaf bythefnos yn dilyn Cam A i'r Dysgwr/Canolfan sy'n cyflwyno'r cais wneud cais o'r fath.
C	Dyddiad derbyn Deunydd Asesu wedi'i Farcio ¹³ .	
D	Terfyn amser ar gyfer cyflwyno cais i gynnal adolygiad o waith marcio mewn	Rhaid caniatáu o leiaf bedair wythnos yn dilyn Cam A i'r Dysgwr/Canolfan sy'n cyflwyno'r cais wneud cais o'r fath,

¹² O dan Amod ASC.F, gall gyrff dyfarnu benderfynu p'un a ddylai Deunyddiau Asesu wedi'u Marcio fod ar gael yn awtomatig neu ar gais yn unig.

¹³ O dan Amod ASC.F3, rhaid i drefniadau cyrff dyfarnu ar gyfer sicrhau bod Deunydd Asesu wedi'i Farcio ar gael roi cyfle rhesymol i Ddysgwyr/Canolfannau ystyried p'un a ddylid cyflwyno cais am adolygiad o waith marcio.

	perthynas â Deunydd Asesu wedi'i Farcio ¹⁴ .	Ile mae'n ofynnol darparu Deunyddiau Asesu wedi'u Marcio, rhaid caniatáu o leiaf bythefnos yn dilyn Cam C i'r Dysgwr/Canolfan sy'n cyflwyno'r cais wneud cais o'r fath
E	Y dyddiad y bydd corff dyfarnu yn rhoi gwybod am ganlyniad yr adolygiad o waith marcio ¹⁵ .	
F	Terfyn amser ar gyfer cyflwyno cais am y rhesymau dros ganlyniad yr adolygiad ¹⁶ .	
G	Y dyddiad y bydd corff dyfarnu yn rhoi rhesymau dros ganlyniad yr adolygiad.	
H	Terfyn amser ar gyfer cyflwyno cais ar gyfer Deunydd Asesu wedi'i Farcio (Ile nad ofynnir amdano'n flaenorol cyn yr adolygiad o'r Deunydd Asesu wedi'i Farcio)	Rhaid caniatáu o leiaf bythefnos yn dilyn Cam G i'r Dysgwr/Canolfan sy'n cyflwyno'r cais wneud cais o'r fath.
I	Dyddiad derbyn Deunydd Asesu wedi'i Farcio.	
J	Dyddiad cau cyflwyno cais am apêl o ganlyniad yr asesiad. ¹⁷	Rhaid caniatáu o leiaf bythefnos yn dilyn Cam E i'r Ganolfan/Dysgwr sy'n cyflwyno'r cais i wneud cais o'r fath, Ile y cyflwynwyd cais am resymau dros ganlyniad yr adolygiad (erbyn Cam F, Ile y dynodir hynny gan y corff dyfarnu), rhaid caniatáu o leiaf bythefnos yn dilyn Cam G i'r Dysgwr/Canolfan sy'n cyflwyno'r cais gyflwyno cais am apêl Ile mae'n ofynnol darparu Deunyddiau Asesu wedi'u Marcio, rhaid caniatáu o leiaf bythefnos yn dilyn Cam I i'r Dysgwr/Canolfan sy'n cyflwyno'r cais wneud cais o'r fath

¹⁴ Rhaid i unrhyw ddyddiad a bennir gydymffurfio ag Amod ASC.H3, gan gynnwys cydymffurfio â'r gofynion a nodir yn y tabl

¹⁵ O dan Amod ASC.K, mae'n ofynnol i gyrff dyfarnu sicrhau bod yr holl gamau rhesymol ar waith i gyrraedd targed ar gyfer yr amser y bydd yn ei gymryd i gwblhau adolygiad, a chymryd y camau hynny

¹⁶ O dan Amod ASC.H5(j), mae'n ofynnol i gyrff dyfarnu ddarparu rhesymau dros ganlyniad yr adolygiad ar gais, er y gallant ddynodi terfyn amser rhesymol ar gyfer cyflwyno ceisiadau

¹⁷ Rhaid i unrhyw ddyddiad a bennir gydymffurfio ag Amod ASC.I4, gan gynnwys cydymffurfio â'r gofynion a nodir yn y tabl

K	Mae'r corff dyfarnu yn rhoi gwybod am ganlyniad yr apêl ¹⁸ .	
----------	---	--

Y gofynion o ran dyddiadau allweddol ar gyfer asesiadau TAG a gaiff eu marcio gan Ganolfan

Rhaid i gorff dyfarnu sicrhau y bodlonir y gofynion yn y tabl isod ym mhob achos lle y caiff yr asesiad ei farcio gan Ganolfan. Mae'r tabl yn nodi'r isafswm cyfnodau amser lle y mae'n rhaid i'r corff dyfarnu caniatáu i gais am adolygiad/apêl gael ei gyflwyno. Fel uchod, ar yr Amod y caniateir cais am adolygiad/apêl o fewn y cyfnod amser hwnnw, caniateir hefyd i gorff dyfarnu ddarparu 'gwasanaeth cyflymach'.

	Cam	Gofynion o ran cyfnod amser
A	Y dyddiad y bydd corff dyfarnu yn cyhoeddi canlyniad ei waith cymedroli	
B	Terfyn amser ar gyfer cyflwyno cais i gynnal adolygiad o waith cymedroli ¹⁹ .	Rhaid caniatáu o leiaf bedair wythnos yn dilyn Cam A i'r Ganolfan sy'n cyflwyno'r cais wneud cais o'r fath.
C	Y dyddiad y bydd corff dyfarnu yn rhoi gwybod am ganlyniad yr adolygiad o waith Cymedroli ²⁰ .	
D	Y dyddiad y bydd corff dyfarnu yn rhoi rhesymau dros ganlyniad yr adolygiad o waith Cymedroli ²¹	
E	Terfyn amser ar gyfer cyflwyno cais am apêl o ganlyniad gwaith Cymedroli ²² .	Rhaid caniatáu o leiaf bedair wythnos yn dilyn Cam C i'r ganolfan sy'n cyflwyno'r cais wneud cais o'r fath, Rhaid caniatáu o leiaf bythefnos yn dilyn Cam D i'r ganolfan sy'n cyflwyno'r cais wneud cais o'r fath.
F	Mae'r corff dyfarnu yn rhoi gwybod am ganlyniad yr apêl ²³ .	

¹⁸ O dan Amod ASC.K2(g), mae'n ofynnol i gyrff dyfarnu sicrhau bod yr holl gamau rhesymol ar waith i gyrraedd targed ar gyfer yr amser y bydd yn ei gymryd i gwblhau apêl, a chymryd y camau hynny.

¹⁹ Rhaid i unrhyw ddyddiad a bennir gydymffurfio ag Amod ASC.E2(c), gan gynnwys cydymffurfio â'r gofynion a nodir yn y tabl.

²⁰ O dan Amod ASC.K, mae'n ofynnol i gyrff dyfarnu sicrhau bod yr holl gamau rhesymol ar waith i gyrraedd targed ar gyfer yr amser y bydd yn ei gymryd i gwblhau adolygiad, a chymryd y camau hynny.

²¹ O dan Amod ASC.K, mae'n ofynnol i gyrff dyfarnu sicrhau bod yr holl gamau rhesymol ar waith i gyrraedd targed ar gyfer yr amser y bydd yn ei gymryd i gwblhau adolygiad a rhoi rhesymau, a chymryd y camau hynny.

²² Rhaid i unrhyw ddyddiad a bennir gydymffurfio ag Amod ASC.I4, gan gynnwys cydymffurfio â'r gofynion a nodir yn y tabl

²³ O dan Amod ASC.K, mae'n ofynnol i gyrff dyfarnu sicrhau bod yr holl gamau rhesymol ar waith i gyrraedd targed ar gyfer yr amser y bydd yn ei gymryd i gwblhau apêl, a chymryd y camau hynny

